

刑
案
匯
覽

刑案匯覽卷五十一

目錄

詐爲制書

詐爲制書雖未傳布卽應擬絞

抄寫京報私偕印信官封遞送

幕友將已用印官封遞送私信

縣書私賣官票挖取印花粘補

書吏用舊劄爲把總填改年歲

革役私匿公文改造差票嚇詐

刑案匯覽
卷三十一
粘用圖記假作州縣文書嚇詐

對制上書詐不以實

民人以謬妄之事呈遞條陳

逃奴竊取公文列款妄思條奏

釋回廢員妄遞條陳希圖錄用

希冀見好妄擬條陳屢次呈遞

民人呈遞封章條陳復行井田

偽造印信時憲書等

私雕假印誑騙錢糧

弟兄私雕司縣印信誑騙稅銀

私雕假印誑騙捐監銀兩

私雕道府印信誑騙開拿投首

私雕縣印填寫過赦釋回文書

印文不全業已得財以已成論

偽造印票知情隱瞞並與首者

描模印信假差誑騙得錢無多

父子令子私雕假印詐差嚇索

誑賣軍功執照首夥私雕假印

偽造衍聖公府執照木戳誑騙

預賣時憲書攪刻太陽經等書

私刊春牛圖於未頒朔前售賣

私鑄銅錢

收買小錢章程匿不呈繳治罪

私鑄鉛錢知情買使尚未行用

夥買小錢越關遠出欲行販賣

別存小錢並不繳官私行攬售

私鑄小錢方造器具卽被拿獲

私鑄鉛錢未成案內帶工之人

夥同私鑄鐵錢未及十千

銷燬制錢從犯並未幫銷

收買鉛錢未及十千尙未行使

私鑄鉛錢未成房主分別減科

偽造假銀應以有無真銀爲斷

偽造假銀未成量減一等

知情故買假銀尙未行使

詐假官

開列
頂替回籍知州在部投供候選

假冒職官借銀還債跡近圖騙

假冒千總並非有所求爲

假捏親王諭帖冒稱王親索詐

假冒知府官親藉圖撞騙

捐職布經冒充現任官拿賄

代人捐職竊竊廢照乞改誣騙

因圖娶妻捐摸憑劄假充守備

假造伍王賞賜銀牌圖騙兄嫂

無頂帶齊士冒戴金頂

攢典抄直懷挾詩文假稱職員

詐稱內使等官

假差嚇詐互毆致斃分別治罪

被糾旁人殺傷假差應照凡論

假差先後嚇詐被詐之人自盡

假差釀命雖未得贓仍應擬絞

假差索詐受寄竊賊之人自盡

假差釀命死非平人仍應擬絞

假差釀命死雖賄匪仍應擬絞

假差嚇詐毆死賊匪仍應擬斬

假差嚇詐毆死被詐人之堂弟

假差拷斃良民未便加擬立決

假差嚇詐致被詐人殺死四命

希圖事三酬謝假差拿賊釀命

假捏票稿圖詐致人失足淹死

革捕假冒官差索詐輪賊銀兩

詐稱差役私造假營鎖拿平人

今無盜符驗卽毋庸添設條例

假差嚇逼自盡按例應擬斬候增

近侍詐稱私行

太監詐稱進香等事嚴行鎖拿

詐病死傷進事

商令假裝自縊圖賴以致吊死

欲行自戕誤傷勸阻之人身死

爲人用藥打胎致人墮胎身死

詐教誘人犯法

教令種傷圖賴致人毆壞人命

各處賣藥為由誘賄惑人射利

刑案匯覽卷五十一

詐爲制書

詐爲制書雖未
傳布卽應擬絞

四川司 查律載詐爲制書已施行不分首從皆斬
監候未施行者爲首絞監候等語是詐爲制書律內
明言已施行未施行分別斬絞但經詐爲卽應依律
問擬不得曲爲寬減此案左茂崑因開會乾思等赴
京控告閩縣錢糧

欽差審辦卽起意捏造

御批向各糧戶騙錢使用爲就兩張會遇會坤擬問會乾

思會否回歸並以聽聞會乾思帶有

御批批得極好之語詭向探問會坤耀答云會乾思已經
回歸不知有

御批之事卽各走散左茂崑回家慮恐破案問罪將寫就
假批二張置放神龕不敢攜出傳布卽經訪獲該督
以左茂崑甫寫

御批兩張尙未傳布慮問重罪而止較之毫無畏懼未施
行者有間將左茂崑依詐爲制書未施行爲首絞罪
上量減擬流等因具奏查詐爲制書律內以已未施

行分別罪名之輕重該犯左茂崑業已寫就

御批兩張即屬詐爲其未經傳布即屬未施行該犯果係
心知畏法自必即時銷毀何以尙置神籠且該犯在
家捏造既未傳布該縣何由訪聞獲辦該犯路過曾
坤耀詭言

御批批得極好其時曾否將捏寫之批與曾坤耀觀看原

奏並未詳敘明晰應令研訊確情按律妥擬

道光九年說帖

施經奏稱三臺縣人左茂崑因同縣人曾乾思與劉
用道赴京翻控郭士升之案奉

欽差前來審辦該犯起意捏造

御批希圖騙錢使用隨捏寫郭士升前已具控督撫戴三
錫如何使百姓復控今親委湯保二卿赴潼關府究
辦如係有虧許百姓再來具控朕親提問明治罪等
語字樣兩張置放堂屋神龕之上被同院鄰人縣差
聞知將該犯獲送審明並未傳布依律量減擬流奉
部駁以左茂崑業已寫就

御批兩張卽屬詐爲其未經傳布卽屬未施行未便量減
擬流自應題駁改擬將左茂崑改依詐爲制書未施

抄寫京報私借
印信官封遞送

行爲首律擬絞監候

見耶抄

提督 奏送李嘉山私用印信官封遞送京報一案

此案李嘉山開設報房借用完縣知縣等衙門空白

印封投遞京報查該犯所用印信均由各衙門借給

並非私雕偽造其分送各處係山馬夫隨尋常公文

順帶尙無擾累驛站情事惟以私相抄送之報借用

印封假託公文卽與詐爲印信文書無異查該犯所

借印封以完縣衙門印信爲重官應按律問擬李嘉

山應革去從九品依詐爲州縣衙門印信文書爲首

過赦時假造赦
免釋放文書奏
祇偽造印信時
憲書等條

家譜內僭用杖
免字樣案戴機
造違禁龍鳳文
吸正條

律杖一百流三千里高進之身充副指揮衙門書吏
於俞元州託其借用印封輒購狗親情乘機盜用亦
應以爲首論查所盜用印封一百三十個俱尙未行
用高進之合依詐爲其餘衙門印信文書爲首者杖
一百徒三年未施行減一等律杖九十徒二年半係
書史舞弊加一等擬杖一百徒三年俞元州聽從李
嘉山轉央高進之借用中城副指揮印信尙未施行
合依爲從減一等未施行者又減一等律於爲首滿
徒上減二等杖八十徒二年李嘉山高進之親老丁

盜用佐領圖記
照其餘衙門科
斷案載有司決
要等第條安徽
大恒瑞

單是否屬實飭查核辦裴格私爲李嘉山照帶印封
京報實屬不應惟該犯以在官人役圖得微利朦混
給驛催子杖責尙覺輕縱應照不應重律杖八十遞
回良鄉縣於驛前枷號一個月革去馬夫以示懲儆
良鄉縣抄書吳思名不知李嘉山送報之事惟於裴
格帶回公文並不細心查察率行遞送應照不應重
律杖八十王大代李嘉山遞送關東京報係雇工人
受值服役應照不應輕律管四十其借給李嘉山印
封之完縣知縣等官均有應得之咎移咨吏部議處

中城副指揮於書吏盜用印信訊不知情其失察之

咎難辭亦應交部察議再查京城設有報房向有外

省各衙門抄送京報相沿已久原屬例所不禁而報

房抄送往往希圖迅速竟至借用官封誠恐不無流

弊應通行各省嗣後各衙門看報其由提塘抄送者

應用該提塘鈐記封送如止向報房抄看者毋庸禁

止仍不許借用印封如再有濫用印封遞送清事立

卽嚴拿究辦以杜弊混而重信守

道光四年貴州司
通行

廣西撫 奏幕友羅修遠將陳姓薦與董邦本管理

幕友將已用印
官封遞送私信

縣書私賣官票
空取印花粘補

筆墨訓係董邦本情願延請尙非抑勒惟因引薦賣
娼婦女將有印未用之官封裝遞書信應將羅修遠
比照詐爲府縣衙門印信文書擬流律上量減一等
滿徒係知法犯法加一等杖一百流二千里
嘉慶十八年案
雲撫 咨縣書余上選因朱連貴向該犯買用官發
相拿逆犯文票冒差圖詐該犯應允給與印票因粘
單漏鈐縫印恐補印致承差盤詰敗露卽用文移印
花粘貼第文票原係由官發給既與詐爲不同而印
花係別項文內空取亦與盜用有間將余上選於詐

詔更用舊制爲
把總填改年歲

爲州縣文書杖流律上量減一等滿徒係舞文作弊

加一等杖一百流二千里

嘉慶二十年案

兵部 奏送書吏周恩綬因把總郭廷元私求該犯

改換年歲該犯卽將舊存檢收破損印劄私行填改

年歲誑騙得贓與盜用印信有間將周恩綬照盜用

印信較候上量減一等滿流係知法犯法從重發往

極邊烟瘴充軍把總郭廷元私求改換年歲應照以

財行求例計贓擬杖九十

嘉慶二十五年直隸司現
審案

蘇州 咨革役苗華藏匿本縣公文改造差票案

革役私匿公文
改造差票案

結用圖記假作
州縣文書嚇詐

平人苗圖嚇詐雖賊未入手而葛勝榮已被詐情急
投繯設若無人解救幾致釀成人命苗華應依詐爲
州縣衙門文書誑騙財物近邊軍例上加一等發邊
遠充軍
嘉慶二十二年案

直督 咨何臨閣因借欠孟兆升銀兩無償假造賊
犯供扳傳訊關文圖騙銀兩還欠惟係粘貼圖記並
非印信且賊未入手應照詐爲府縣文書誑騙財物
擬軍例量減一等杖一百徒三年
嘉慶十九年案

對制上書詐不以實

民人以謬妄之事呈遞條陳

提督 奏送袁聞桂呈遞條陳惡棍刁民竊盜一概

永遠監禁將城垣築高城外附近房屋拆毀出入城

門人給鐵牌買賣俱官給執照等款將袁聞桂照上

書詐妄不以實律杖一百徒三年

嘉慶十八年奉天司現審案

逃奴竊取公文列款妄思條奏

兵部 奏送國興係旗下家奴私逃出京由川省解

回膽敢妄擬奏章條陳時事復竊取遞解咨文捏造

荒誕不經之詞冀圖陳奏將國興照上書詐妄不以

實律杖一百徒三年

嘉慶二十五年山東司現審案

釋回廢員妄遞
條陳希圖錄用

希指見好妄擬
條陳屢次呈遞

都察院 奏送王錫以緣事發遣釋回之廢員輒思

條陳事宜希圖錄用未便僅照希求進用律擬杖一

百應酌加一等杖六十徒一年

嘉慶二十一年湖廣司現審案

提督 咨送席萬珍先因呈遞清理鹽務等款條陳

經提督衙門奏明遞籍嗣又擬清理倉庫錢糧等款

條陳在長新店恭遇

聖駕在道旁呈遞經提督衙門訊明遞籍該犯又擬京城

添設牌甲等款條陳來京欲行呈遞經提督衙門奏

送到部審將席萬珍照假以上書希求進用律擬杖

民人呈遞封章
條陳復行井田

御史賄賂條陳
竊載官吏受財
條陳備

一百遞籍管束
嘉慶二十年浙江司現審案

都察院 奏金銘館呈遞封章一案

臣

等查閱原遞

摺內意在行公田以杜教匪並無違悖字句訊據金

銘館籍隸安徽讀書無成曾經遊幕因聞嘉慶十八

年間直隸等省有教匪滋事並川省有咽匪據匪豫

省有掖刀匪以及無籍貧民竊賭窩娼鬧毆滋事推

原情由皆出飢寒所致因念古昔井田之法行並無

習教爲匪之人如果今日復行井田官買私產作爲

公田一夫受田百畝或數十畝百姓樂業安居何至

御史挾私彈事
案鼓監守目盜
倉庫錢糧條戴
監軍案內

都察院奏捐職
未人流駭長請
呈遞封章條陳
風俗河防等款
比照上書不係
本職條陳時務
詐妄不實律擬
徒嘉慶十八年
福建司案

流而爲匪又思經費有常安得如許田價給與業戶
古有行鈔之法似可暫發鈔票俟田價分年徵完再
將鈔票撤銷隨臚列十利十弊作就封摺赴都察院
呈遞_臣等查嘉慶十八年教匪滋事業經查辦淨盡
令其將咽匪及窩賭窩娼人指出姓名該犯供稱鄉
愚無知呈遞封章未能指出何人此案金銘館以鄉
曲小民輒以復行井田等詞呈遞封章雖無違悖字
句實屬冒瀆查呈遞封章與上書陳言不同惟該犯
僅止條陳時務亦與告言人罪有間自應照例量減

問擬金銘館應照呈遞封章如所告得實本犯係平民照衝突儀仗加一等竊殺邊遠充軍例上酌減一杖一百徒三年親老丁男應籍查辦等因道光十三年十月初七日奉

旨此案金銘館擅遞封章本應治以應得之罪姑念尙無違悖字句著免其治罪卽行遞解回籍交該地方官嚴加管束欽此

邸抄

偽造印信時憲等

私雕假印誣騙錢糧

俞佐領圖記瑞興史於職私行銷毀案載盜印信條

刑案匯覽

山東司 查例載偽造諸衙門印信事關軍機冒支錢糧假冒官職者俱擬斬立決為從擬絞監候若非關軍機錢糧假官等弊止圖誣騙財物為數多者擬斬監候為從杖一百流三千里等語今張介平起意商同張思成私刻假印票板戳記刷成串票買備油硃調成印色包攬馬廷公錢糧先後誣騙共九十戶印拾假票九十四張得錢八十二千一百文該撫將張介平依偽造印信冒支錢糧例擬斬立決張思成

卷五十一 刑律詐偽

十 偽造印信時憲

依爲從擬絞監候具題

職

等查張介平等私雕假印

攬納錢糧雖非在官冒支但該犯等私造縣印假串

包攬花戶多名計錢至八十餘千誑騙入已以致踴

躍輸將之花戶轉成拖欠之貧民較之在官冒支者

其情原屬可惡且錢糧上關

國課該犯等捏造印串私口攬納核與止圖誑騙別項

財物無關錢糧者不同

該省

將該犯等分別首從照

例擬以斬決絞候尙屬各協似可照擬奉

批查案比定遵查乾隆五十八年三月內安徽錢錄

等私雕假印串票誑騙錢糧十四兩零擬斬監候請
旨卽行正法一案又五十一年六月內江蘇省李受私雕
假印誑騙錢糧三十餘兩擬斬監候趕入本年秋審
辦理一案又本年二月內浙江省陸家祥私雕假印
誑騙稅銀四十餘兩擬斬監候援免一案俱經照擬
題覆在案此案張介平等私雕假印誑騙錢糧若該
省照誑騙數多例擬斬監候原可隨案照覆今旣照
冒支錢糧例擬以斬決似爲愼重錢糧整飭地方起
見亦只可照覆

嘉慶元年諭帖

廣西撫 題梁源等私雕假印誑騙錢糧一案查例載爲造印信誑騙財物爲數多者擬斬監候爲從杖

一百流三千里若銀不及十兩錢不及十千者爲首

杖一百流三千里爲從減一等等語此案已革戶書

梁源起意私雕縣印偽造串票騙收花戶錢糧使用

與糧差黃泰商允雕成假印復向戶書李秀得告知

索得空串三人各攬花戶誑騙黃泰攬得花戶韋定

剛糧銀八兩六錢况梁源代填假串一張付給收銀

自行用去梁源聲言以後誑得銀兩卽各人自用梁

源攬得花戶唐志等九戶糧銀七兩三錢零填給假
串收銀自用李秀得向梁源索得空白一張亦攬得
周全第糧銀七兩一錢零填給假串收銀自用經縣
訪聞獲案查梁源等私雕假印誣騙花戶錢糧雖各
計入已之贓爲數無幾惟梁源起意私雕假印誣騙
主令黃奉等各自騙錢使用統計所騙之贓已在十
兩以上與爲數已多之例相符該自將梁源依僞造
諸衙門印信誣騙財物爲數多者例擬斬監候黃奉
李秀得均依爲從例擬流杏核情罪允協應請昭覆

嘉慶十七年說帖

弟兄私雕司縣
印信誑騙稅銀

陝撫 咨楊貴聽從胞兄楊富假印契尾誑騙稅銀
一案此案楊貴係已死楊富胞弟楊富刻字生理因
蘭庭極有地契託其投稅給錢二十八千楊富因貧
難度起意私雕假印騙錢使用隨揭得街上告示縣
印並尋獲舊存契尾空出印花用硯石雕成司縣兩
印並刻成契尾刷印一張將蘭庭極契紙六張共粘
一尾鈐蓋假印填寫稅錢送給蘭庭極收受楊富復
主使楊貴攬稅騙錢使用楊貴隨攬得吳運曾等地

契文給楊富照前粘尾鈐蓋假印令楊貴分送先後
騙得錢十一千二百十八文楊富旋因瘡毒潰爛身
死楊貴慮恐敗露即將假印打碎掠棄經差役拿獲
查楊富因蘭庭楹託其稅契該犯冀圖騙錢輒起意
私雕司縣假印復主使楊貴攬稅騙錢計贓已在十
千以上百應依詭騙財物爲數多者科斷該省將楊
富依僞造諸衙門印信止圖詭騙財物爲數多者例
擬斬監候楊貴照爲從例杖一百流三千里蘭庭楹
等擬杖查核情罪相符應請照覆

嘉慶十八年說帖

私雕假印誣騙
刑監銀兩

江西撫 題劉揚私雕假印誣騙劉公敏捐監銀兩
一案查例載偽造印信誣騙財物爲數多者擬斬監
候若銀不及十兩錢不及十千者杖一百流三千里
又偽造印信之案如假印形質已具篆文字體已成
僅止筆畫少缺但經行用得財爲數多者分別首從
擬以斬候滿流前經雕刻尙未行用者各減得財一
等各等語此案劉揚因劉公敏託伊代捐監生先付
市平元銀一百兩餘託墊辦回日給付該犯將銀挪
用未捐嗣劉公敏屢往催討實收該犯無力捐辦起

私雕道府印信
誑騙開拿投首

意私屋假印偽造實收持交劉公敏收存我給該犯
市平元銀五十兩錢十三千文嗣經縣營訪獲查劉
揚先收代指銀一百兩雖在未經私雕假印之先其
找給銀五十兩錢十三千文係在假印行用之後銀
數已在十兩以上且假印已經行用與市經雕刻尙
未行用減等之例未符該省將該犯依偽造印信誑
騙財物爲數多者例擬斬監候似可照舊

道光二年
說帖

江督 奏韓棟私雕道府印信偽造催漕假文圖騙

使費該犯先將道印偽文雇人投遞尙未得贓其假

私雕縣印填寫
過放釋回文書

印備造府文四十餘件轉賣與人投遞得受承買差
費制錢三十一千嗣該犯聞拿投首依偽造印信關
防誑騙財物爲數多者例擬斬監候係聞拿投首應
減一等擬流惟該犯私雕假印造文六十條件情節
較重應加重發極邊足四千里充軍

道光三年江蘇
司案

河南司 查律載詐爲原無制書施行不分首從皆
斬監候詐爲州縣衙門文書者爲首杖一百流三千
里又偽造諸衙門印信爲首雕刻者斬監候造而未
成者減一等註云形質相肖而篆文俱全者謂之偽

造惟有其質而文不全者謂之造而未成等語誠以制書如詔赦諭勅之類若原無而膽敢詐爲實屬僭竊故律以首從皆斬所以重主言而肅法紀也至本有

恩赦字樣究非制書可比自應仍照詐爲文書定擬至於

偽造印信亦應驗其文質之是否俱全按律分別科斷斯無枉縱今河南省題逃軍朱亞兆商同楊題名

偽造赦文私雕假印一案職等詳加查核朱亞兆係

照兇惡棍徒擬軍在配脫逃改發安置之犯與未獲

之同配軍犯楊題名等商同逃走楊題名恐沿路盤詰起意偽造赦文朱亞兆以文內未蓋印信慮及被人窺破隨潛揭該縣告示印模雕就假印楊題名卽捏寫赦文二張封筒二個各蓋假印將假文封固朱亞兆與楊題名等攜帶假文分路逃走朱亞兆旋被拿獲該撫以朱亞兆私雕假印與商同偽造

制書罪各相等將該犯依詐爲

制書律不分首從擬斬監候詳閱原題內稱查驗已獲假文封套有益用假印封面上開河南武安縣移廣東

南海縣開示被水浸濕殘破不全內惟准赦面上起字及遵赦發回各字樣並該犯供稱記得假文內書寫

恩赦自乾隆五十七年發配起至嘉慶六年止准其保釋不得謾擲阻滯即驗放行等語是朱亞兆等所造假文係詐爲該縣給發釋放回籍沿途驗放之公文與詔赦諭勅不同自應依詐爲州縣文書科斷該犯私雕假印爲首應治其偽造印信之罪乃該撫因起驗假文內有

恩赦字樣遽將該犯依詐爲

制書律擬斬監候實未允協該司照偽造印信例議駁尙

屬平允惟偽造印信亦應驗明假印篆文是否俱全

分別核辦查閱招內雖有令該犯當堂雕刻篆文與

所蓋假印無異之語而所雕篆文是否文質俱全與

該縣印信相同並未敘明若驗與該縣印篆不同仍

應照未成治罪應駁令覆驗明確以昭核實

嘉慶七年說帖

旋據該省查驗試雕假印腐乾業已乾縮篆文不全

不認獲殘缺偽文封筒所蓋假印篆文參差與該縣

印篆不同查朱亞兆商同楊題名於本府

恩詔之時希冀免罪詐爲

恩赦釋放究與平空捏造

制書者有間至假印篆文亦與該縣印信不同自應遵駁
改擬朱亞兆除詐爲州縣衙門文書及起意僞造印
信未成並銷毀刺字各輕罪不議外應依充軍常犯
調發至極邊烟瘴充軍脫逃者改發黑龍江等處爲
奴例發吉林給披甲人爲奴該犯逃後並無行兇爲
匪及知情容留之人應毋庸議地保曹金訊非受賄

故縱印該犯私雕假印亦不知情惟失於覺察防範
實屬不合未便以犯經限內拿獲稍爲寬縱曹金應
照不應重律杖八十再加枷號一個月逸犯楊題名
獲日另結該犯等偽造

赦文私雕假印均係該縣自行拿獲究出所有失察職名
應准邀免 嘉慶八年題准○照駁案續編錄

印文不全業已
得財以已成論

江西司 查例載偽造諸衙門印信誑騙財物爲數
多者照律擬斬監候爲從杖一百流三千里造而未
成者減一等又本年七月本部奏准新例嗣後偽造

印信之案如假印形質已具篆文字體已成僅止筆畫少缺但經行用得財爲數多者分別擬以斬候滿流卽爲數無多亦分別首從擬以流徒若篆文筆畫實未齊全又未誣騙得財方以造而未成科斷等因通行在案又律載律自頒降日爲始如事犯在未經定例之先仍依律及已行之例定擬若例應輕者照新例遵行等語此案吳承基起意私雕假印行用誣騙得贓四十二兩零雖據該省驗明假印內篆文筆畫不全惟該犯業經誣得銀兩按新例應以已成科

斷第該犯犯事在奏定新例之先係新例應重按律
仍應依已行例定擬該撫將該犯依偽造諸衙門印
信誑騙財物爲數多者斬監候造而未成減一等例
杖一百流三千里係照舊例辦理該司添敘新例仍
援引斷罪依新頒律律註擬以昭覆尙屬允協應請
照辦

嘉慶二十二年說帖

偽造印票知情
誑騙並舉首者

刑部 奏孫煥章係兵部貼寫於同司貼寫楊景芳
託其辦理武舉驗票膽敢偽造印票誑騙財物計贓
大錢四十千文查驗假票印文字體模糊惟形質已

具僅止筆畫短少且業經行用應將孫煥章照偽造印信圖騙財物爲數多者例擬斬監候楊景芳先不知係假票並未分贓追周冠冕查出半殿元假票該犯攜至科房利自燒燬並不卽時舉首應照書吏舞文作弊知而不首於燒燬章斬罪上減一等杖一百流三千里經承金豐和旣知周冠冕查出假票並不卽時舉首致楊景芳自行燒燬亦應照知而不首之經承擬流惟本案事體究由該犯與周冠冕稟請查辦尙知畏法金豐和應量減一等擬杖一百徒三年

周冠堤查出假票被楊景芳燒燬因無憑據未卽舉
首迨雲南省繳到張姓驗票卽行稟辦應免置議武
舉張銓牛殿元供係被騙不知假票情事免其提審
道光十三年邸抄

描摸印信假差
誑騙得錢無多

安徽司 查例載描摸印信行使誑騙財物爲數無
多犯該徒罪以下者計贓以次遞減註云一兩以下
杖六十徒一年又詐充差役假以差遣體訪事情緝
捕盜賊爲由妄拿平人嚇取財物犯該徒罪以上枷
號一個月發近邊充軍各等語詳釋例意係專指棍

按描摸印信謂
騙創意計贓准
竊盜論如得贓
五十兩者即係
犯該徒罪以上
應行擬軍如得
贓四十兩者即
係犯該徒罪以
下仍從軍罪上
減等擬以滿徒

徒假冒差役妄拿王人嚇索財物跡近兇惡棍徒無
故擾害而言若並無妄拿情事止以誣騙無多似不
在概行擬軍之列檢查本年四月安撫咨已革皂役
崔勝商同革役商昆描摸印信差票查禁小錢假充
衙役誑騙鋪戶制錢六百九十文依描摸印信誑騙
財物例擬徒照獲在案今安撫咨傅榮等描摸假印
捏造差票誑騙胡雲龍錢文一案查傅榮因王超談
及胡雲龍借錢不允欲圖詐騙一語即告以假捏官

事圖詐起意描摸印信偽造差票詐得胡雲龍制錢

四百文該撫以傅榮等雖係假充衙役但僅止詐騙
尙未妄拿將該犯依描摸印信誑騙得錢無多例擬
徒核與崔勝成案相符似可照覆

乾隆五十四年說帖

父主令子私離
假印詐差嚇案

廣東司 查例載詐充各衙門差役假以差遣爲由

妄拿平人嚇取財物擾害軍民犯該徒罪以上枷號
一個月發近邊充軍又律載一家人共犯止坐尊長
侵損於人者以凡人首從論註云侵謂竊盜財物損
謂毆毆殺傷之類如父子同犯並依凡人首從之法
爲其侵損於人是以不獨坐尊長各等語此案陳榮

遠因挾張本容不允借錢之嫌起意主令伊子陳小亞六私雕假印偽造差票冒充差役嚇詐張本容希銀三圓該撫以該犯等侵損於人未便照一家共犯罪坐尊長亦不便分以首從將陳榮遠同子陳小亞六俱一律擬軍咨部職等查陳榮遠等挾嫌私雕假印冒充差役嚇詐得賊情固可惡但一家共犯侵損於人律以凡人首從論今陳榮遠起意私雕假印冒差嚇詐陳小亞六聽從雕刻詐得銀兩本屬侵損固不便照一家共犯獨坐尊長但該犯係聽從伊父主

使應依例以凡人首從科斷該司照覆不分首從之處係屬錯誤應將陳小亞六改照爲從律杖一百徒三年奉

批私雕假印起意爲首及下手知情雕刻之人俱同一罪此有明條不便分首從再查等因遵查例內偽造假印起意與私雕之人不分首從者係指凡人雕刻假印同設分贓者而言至於聽從其父主使雕刻假印似應與一家人共犯罪之律互相參核始無隔擬此案陳榮遠挾嫌起意私雕假印嚇詐張本容銀錢

因伊子陳小亞六曾經學習刻字手藝今其雕刻假
印係父起意而子雕刻與凡人同謀分贓不同陳小
亞六聽從父命冒差嚇詐財物正與一家人共犯侵
損於人以凡人首從論之律意相符該撫所擬不分
首從之處係屬錯誤除爲首之陳榮遠業已病故外
陳小亞六應改依詐充各衙門差役嚇取財物爲從
例杖一百徒三年惟該犯始則雕刻假印繼復冒差
嚇詐情節較爲可惡所得徒罪應不淮援免以昭平
允奉

批所議固是但不記有無辦過成案再查等因遵查私雕假印原例偽造諸衙門印信關防非關軍機錢糧假官等弊止圖誑騙財物爲數多者俱擬斬監候爲從杖一百流三千里若誑騙銀不及十兩錢不及十千爲首雕刻者杖一百流三千里爲從及知情行用者各減一等嗣於乾隆二十五年西安按察使條奏私雕假印之案多屬起意之人貪饕狡黠設法偽造主使雕刻誠屬罪魁至於代爲雕刻之人或素能雕刻圖章或刻字營生大抵手藝食力誠非立意誑騙

一時得時雁值誤臨術中較之起意之犯其情較輕
請將起意偽造及下手雕刻之人俱擬斬監候至誣
騙銀不及十兩錢不及十千者亦以起意偽造與下
手雕刻者同罪經本部照議核覆奏准通行嗣於三
十二年釐例時添出僅受些微價值代爲私雕並無
隨同分贓情事者以起意之人爲首雕刻之人爲從
等因奏准纂入例冊在案復又將各司歷年堂行檔
案逐一詳細檢查並無父使其子私雕假印之案惟
查乾隆四十二年浙江省吳升遠私鑄鉛錢令其子

吳廷元相幫共鑄錢三千九百餘文將吳升遠依例發遣聲明伊子吳廷元係迫於父命可石照一家共犯止坐尊長律免議聽候部示經本部議以律內父母有罪相爲容隱者勿論一家人共犯止坐尊長侵損於人者以凡人首從論吳廷元聽從伊父吳升遠煽火磨錢並非侵損於人自不得以凡人首從論其知情不首係子爲父隱律得勿論將吳廷元照律免議題結亦在案此案陳榮遠起意私雕假印嚇詐銀兩因伊子陳小亞六藝習刻字令其私雕按一家共

犯應罪坐尊長因該犯等嚇詐得贓事屬侵損是以請照凡人首從定擬其前辦吳升遠同子私鑄鉛錢獨坐尊長之案雖與陳榮遠等所犯情罪各別但擬斷則一今將陳小亞六改照爲從減等滿徒仍不准援免揆之情法尙爲平允卽核之定例及辦過成案亦均相符似屬妥協奉

批既有成案可循卽照辦稿已盡

嘉慶元年說帖

北撫題石奇光等私雕假印誑騙並僭家級轉賣軍功執照一案查例載僞造印信假冒官職大干法

誑騙功執照
有私雕假印

紀者擬斬立決若止圖誑騙財物爲數多者擬斬監候等語今石奇光因伊兄石瑞光將潘家紋託令代賣空白銀功執照憑梁希堂說合轉賣與胡應太隨於照內填寫胡應太姓名並六品頂帶字樣嗣因胡應太向索知會文書石瑞光起意偽造移文捏稱可以設法辦當向索得使費錢十九千文私與該犯石奇光允石奇光私雕州印捏寫移文石瑞光即將假文縣投遞當被看破拿獲除石瑞光病故外查石奇光偽造印信如果假與人官自應問擬斬決

今該犯因胡應太先向伊兄石瑞光買得軍功執照
嗣向榮取知會原籍文書石瑞光起意假捏移文始
令該犯私雕假印是誣賣執照在前捏造移文在後
與偽造印信假冒職官者不同且檢查辦過賣軍功
執照及假冒病故軍功執照之案俱係照指稱買官
誣騙及隱匿公私過名以圖選用例擬軍並不照假
與人官及自爲假官擬斬之例科斷則此案事同一
律亦未便例以偽造印信假冒職官斬決之條該省
將石奇光依偽造印信誣騙財物例擬斬監候情罪

相符似可照覆

嘉慶十六年說帖

偽造衍聖公府
執照木戳詎騙

川督 咨孔繼銘偽造衍聖公府執照木戳詎騙銀
兩查執照非憑割可比卽私刻木戳亦與關防印記
不同惟詎騙賊至一百二十餘兩之多若僅照准竊
盜擄流竟置偽造木戳於不論未免輕縱將孔繼銘
比照偽造關防印記詎騙財物爲數多者將爲首雕
刻之人發烟瘴少輕充軍

嘉慶二十四年案

豫賈時憲書後
刻太陽經緯

北撫 咨劉大亨等翻刻時憲書並將太陽經等書
一併刊刷售賣因無加里問擬專條咨請部示等因

查例載私刻地畝經及古驗推測妄誕不經之書售賣圖利者照違

制律治罪等語此條係本部於乾隆九年審擬俞在中翻刻憲書皮面摘錄李淳風地畝經語句案內奏准定例又上年十一月欽奉

上諭各省所頒時憲書每年四月初一日由欽天監預將樣本發交各布政司衙門刊刷總定於十月初一日頒朔以後方准出售若於頒朔之前私行售賣卽照違制律治罪等因欽此在案此案劉大亨兩次翻刻時憲書

於頒布之前私行刊刷售賣應欽遵

諭旨照違制律從重該犯又妄圖漁利復將敬信錄內所載太陽經並協紀辨方內所載星宿過宮圖及玉匣記所刊二十八宿姓名圖像並諸神風暴日期一併刊刷裝訂發賣查協記辨方書乾隆年間

欽定頒發即敬信錄玉匣記等類前非禁書亦無違悖語句惟不應摺入時憲書內售賣正與私刻地畝經之例相符亦應照違

制律治罪一罪相等律應從一科斷是該犯等罪名不

有定例可循再查此案係二十年十月訪獲該犯劉大亨等買回官板黨書翻刻售賣愚民不知例禁未屆頒期預行刊售係在上年奉

旨飭禁之前即攙刻太陽經等類書亦係該鋪舊日和沿究非該犯創始既據該承審官逐細查對該犯所刻黨書與奉頒官板黨書相同實無錯謬違悖之處並訊明該犯等僅止圖獲微利委無不法別情自應照例詳請批結何致縣宕年餘聽累多人殊非詳慎辦

公之道應令該撫速飭照例議擬詳結分別首從發

落省釋以免拖累
嘉慶二十二年說帖

私刊春牛圖於
未頒朔前售賣

貴州司 奏梁六私刊春牛圖販賣查係仿依萬年
甲子書所批抄錄刊刻並非捏造惟刊賣此圖雖在
四月初一日頒發各省樣本時憲書之後尙在十月
初一日頒朔以前究屬不合將梁六摺不應重律杖
八十
道光三年現審案

私鑄銅錢

收買小錢章程
匪不呈據治罪

戶部 奏各省收買小錢一案經臣部於乾隆五十七年閏四月內因各省所定收買價值多寡不一隨將京城所收之小錢入爐鎔化除去折耗核計收買成本定爲每兩六十文並通行各省均不得有逾此數近以節年收繳尙未淨盡本年八月內臣部復於議覆山東巡撫條奏案內奏明民間行使小錢節經奉

旨給價收買乃數年以來仍未免攙和行使顯係觀望不

前未便再給價值致啓玩法之漸請

旨勒限一年通行京城各省倘有收存小錢自行繳出者
免其治罪毋庸給與價值等因奏蒙

允准通行在案嗣於九月二十日欽奉

上諭前經戶部奏請各省收繳小錢俱一准給價勒限一
年呈繳已准令通行各省遵照辦理原因繳出小錢復
與易給銀兩小民等惟利是趨轉致私鑄小錢冀圖沾
潤是以停止給價今思民間日用及商賈貿易所有存
留小錢俱不免有需資本若祇令其呈繳入官不稍償

以藉恤小民等或因此裹足不前私相藏匿呈繳稀少
以致小錢仍不能淨盡著傳諭各省撫察看情形如可
仍照部議章程概不給價並無妨礙之處因屬甚善若
須稍爲變通或於呈繳小錢時酌量給價十之一二俾
各聞風踴躍呈繳可期淨盡似亦辦理之一法著各省
撫體察各該處情形將應如何酌辦之處各就所見據
實運奏到日再行交部核議等因欽此在案今據各該
省撫陸續奏到_且等逐加查核內湖南湖北山西江
西四省則仍照從前部定章程聲請毋庸給價直隸

總督及長蘆鹽政則請呈給價值並拍廉給發甘肅則
每觔請給三十文浙江則請給十分之二廣西則每
觔請給銀二分三分惟兩江總督奏請嗣後呈繳小
錢每觔仍照五十六年酌定價值以六十文收買各
等因_臣等正在核議間復據四川總督奏酌量給價
及嚴飭沿江沿湖查拿私鑄私販各事宜並聲明恭
候

勅部議定卽行遵辦等因具奏奉

旨交_臣等速議具奏欽此_臣等伏思民間行使小錢原干

例禁飾荷

聖恩體卹定價收繳並展展限期以期淨盡乃年來仍有
捏雜行使之事此時籌辦章程自不應仍行給予價
值惟是此項小錢自定限收買以來各省節年所收
之數已為不少而民間仍不能淨盡推原其故在殷
實之戶有本有餘者自必顧惜身家諒不肯私行藏
匿致罹罪戾惟肩挑負販傭趁手藝之人所有小錢
皆由零星存積而來若令其全數交官不稍償其資
本愚民祈其細錄心存吝惜或因此逡巡觀望未足
刑案並覽

查大順通寶係
李自成偽號所
造恐愚民不知
例禁間有流傳
應通飭銷毀
止嘉慶十九年
江督奏孫嗣柱
誣告案通行

不前且民情樂於趨利憚於赴官經手吏胥多端嚇
詐小民既無得利又以交官爲畏小錢之不能淨絕
根株或由於此臣等恭繹

恩諭並確覈情形似仍應量爲給價以期人皆樂從則呈
繳自倍加踴躍現在京局正當酌定章程之時臣等

復將步軍統領衙門等處所收小錢交臣部寶泉局

監督親率爐匠眼同試鑄查局鑄大錢一串例重七

筋八兩今以小錢八筋八兩改鑄大錢一串照每筋

六十文收買之數核算加以改鑄工料祇用錢六百

廣督奏粵東禁
用東錢應照乾
隆年間每一觔
給錢六十文設
局收繳之例統
限半年查繳淨
盡按月稟報一
次但吏員不堪
煎鍊徒費工夫
應卽解省銷毀
道光九年卽抄

刑案匯覽

九十七文是每鑄大錢一串尚盈餘三百文有零雖
各省小錢銅質或有參差要亦不致大相懸絕是從
前所定六十文之價於成本實有盈餘而民間易獲
此項大錢若再行私銷改鑄不能漁利而反有虧折
竟可無虞滋弊應請卽照此定價通行京城及各省
毋拘錢數多少卽數文數十百文者均准其赴官呈
出易換大錢並予以一年之限令其收買淨盡倘再
有私行藏匿不肯赴官呈繳則是有心玩法一經官
爲查出或旁人告發卽照現在廣西巡撫所奏比照

江督奏收繳小錢及勸者仍照例給價六十文不及勸者小錢二文抵大錢一文銷錢及勸者給價二十文不及勸者銷錢五文抵大錢一文道光十三年通行載私出外境及違禁下海條

經紀銷戶收買前邊錢攪和貨買分別錢數至十千以上照攪和私錢行使充軍例量減一等治罪不及十千者枷號一個月杖一百以示懲儆使愚民等咸知繳出者免罪而資本不致全虧不繳者獲戾而所藏終歸烏有利害較然各知避就庶可漸期淨盡再查各省水陸馬頭如重慶漢口江寧蘇州等處均爲水錢聚集之所奸猾商賈私販漁利尤宜嚴密訪查至長江大湖及深山密箐更易滋私鑄之弊應如四川總督所奏交各該督撫轉飭地方文武員弁督率

兵役各於本境核緝遊巡嚴密查拿如無私鑄私販
令各該管官每月結報以憑查核倘經該督撫察出
弊竇卽將該管文武嚴叅治罪以昭懲儆並欽遵現
奉

諭旨責成各省道員嚴密稽察認真妥辦毋得濫奏劣員
搜查滋擾致杜弊轉以生弊其雲南貴州廣東福建
陝西安徽江蘇河南山東奉天等省均尚未覆奏俟
奏到之日容臣等詳加酌核如實有真知灼見辦理
得要者臣等仍行核奏若情形大畧相同卽無庸逐

欽定四庫全書
三
案演奏以歸簡易等因乾隆五十九年十二月初六

日具奏奉

旨依議欽此

此原奏照說
帖底木錄

乾隆六十年二月二十七日奉

旨戶部彙奏各省收繳小錢情形一摺此事前據各省督撫奏到辦理未能畫一業經戶部核議具奏將新定給價六十文通行京城及各省一體遵照該督撫及監督等惟應查照戶部奏定章程各矢天良並飭兵役於關津要隘實力嚴查妥爲經理毋致日久懈弛並不得任聽員役藉端滋擾務使小錢淨盡國法肅清方爲不負

私鑄鉛錢知情
買使尚未行用

奏任欽此 照通行錄

東撫 咨高興唐京控劉泳興販賣鉛錢串通伊叔

高佩祥誣認一案查例載私鑄鉛錢知情買使者杖

一百三十三里等語此案高佩祥憑伊族叔高大年

作保向劉泳興借銀雇覓李大成張繼王存小車赴

河南溫縣置買鐵貨因與該縣民人尙法旺撞遇談

及鑄有鉛錢高佩祥貪利販賣即邀同李大成赴尙

法旺家向尙法旺並張士杰共買得鉛錢七十八千

用篋盛貯推回本縣捏稱錢文寄存夏元長店內經

父子私鑄鉛錢
獨坐尊長浙省
吳升遠案載僞
造印信時憲書
等條廣東同陳
小亞六案內

蘇撫咨私鑄小
錢案內知情貪
利代為租房之
俞元龍照房主
知情容爾滿徒
上量減一等間
擬嘉慶二十三
年案

莊鄰楊廣績等查知同夏元良赴縣首繳拘訊高佩
祥畏罪妄供劉泳興主使販買該縣將劉泳興傳案
一併收禁後傳到高大年質訊高佩祥供出實情該
縣將劉泳興提禁錄供通詳高佩祥之父高文智因
高佩祥赴豫貿易係劉泳興出銀作本心疑果有主
使販私情事囑高佩祥胞姪高興唐繼赴府司院各
處翻控尙未審結高文智病故高興唐繼懷疑未釋
復赴京具告咨交該省審明實係高佩祥自行起意
販私查高佩祥圖利販買鉛錢至七十八千之多雖

蘇撫題李三貪
得國祿帶領張
結已向高名準
價買私錢將李
三照知情買使
例量減一等滿
徒嘉慶十八年
案

尙未行使第例無買而未使應行減等之條自應卽
照知情買使例治罪李大成服同販買並不勸阻卽
屬爲從除私鑄鉛錢之尙法旺等業經豫省拿獲審
結外該省將高佩祥依私鑄鉛錢知情買使例擬杖
一百流三千里李大成減一等擬杖一百徒三年援
上年兩次

因數分別減杖寬免查核情罪相符至高興唐赴京具控
雖未得實究係欲爲伊叔出罪懷疑誤控事出有因
情尙可原該省擬以不應重杖酌加枷號兩個月亦

屬允協應請照覆
嘉慶十七年說帖

夥買小錢越關
遠出欲行販賣

蘇撫咨陳連順
買小錢比照鋪
戶收買剪邊錢
攪和貨賣至十
千以上例發駐
防爲奴嘉慶二
十三年案

浙撫 咨李庭起意夥買小錢陳孔揚等聽從收運
雖非剪邊亦未攪和行使第結夥同行偷越關汛收
錢六十九千之多運至數百里之外欲圖銷用卽與
行使貨賣無異李庭應比照收買剪邊錢攪和貨賣
數至十千以上例發駐防爲奴陳孔揚等均依爲從
減一等滿徒張有成等將剔出小錢匿不呈繳復敢
遠出圖銷周松剛藏匿小錢私行賒賣計錢均不及
十千俱比照收買剪邊錢攪和貨賣不及十千例各

別存小錢並不
繳官私行提借

柳號一個月杖一百
道光二年案

南撫 咨外結徒犯郭長青販布賣錢間有小錢夾
雜不能過於挑剔零星積存三十餘千恐繳官發價
無幾致有虧折起意售賣歸本並非有心買使圖利
且未行使應照攪和行使擬遣例上量減一等滿徒
嘉慶二十五年案

攪用私錢擬遣
准留養案或徒
流逐徙地方條
監生余定遠

浙撫 咨張南樞收存私錢五十餘千並不隨時呈
繳輒用制錢攪和欲圖行用應照鋪戶人等攪和行
使擬遣例上量減一等杖一百徒三年
嘉慶二十二年案

私鑄小錢方造
器具卽被拿獲

私鑄鉛錢未成
案內幫工之人

雲撫咨會衍馨等私鑄未成案內之楊紅發既爲
會衍馨照料帳務並代買銅鉛卽屬爲從未便照受
雇之人問擬應改依爲從於會衍馨滿流上減一等
擬以滿徒孟春如等受雇挑水打炭但係方造器具
尙未鑄錢均應於私鑄未成雇令挑水打炭之人徒
二年例上減一等杖七十徒一年半
嘉慶二十一年案
河撫咨周明珠私鑄鉛錢未成余光泰等受雇打
炭燒火磨錢將余光泰等照私鑄鉛錢不及十千之
爲從人等遞減一等杖六十徒一年
嘉慶十八年案

果同私鑄銀錢
未及十千

銷燬制錢從犯
並未幫銷

販買鉛錢未及
十千尚未行使

河撫 各張二向做鐵鈴生意因憶膳對舊鐵卽似
銅色隨起意私鑄鐵錢漁利商允王添合鑄成鐵錢
五千餘文將張二等比照私鑄鉛錢不及十千爲首
及匠人俱擬發遣例擬遣

嘉慶二十二年案

盛京刑部 題劉泳盛等銷燬制錢案內之李恒太等
僅止圖利將錢送交代化並未幫同銷燬而幫同燒
燬裝灌者情稍有間將李恒太等均依銷燬制錢爲
從者絞決例上酌量改爲擬絞監候

嘉慶二十一年
奉天司案

直督 咨宋凱收買鉛錢未及十千訊不知私鑄情

私鑄鉛錢未成
房主分別減科

由亦未行使應比照鋪戶人等收買剪邊錢不及十
千例杖一百枷號一個月

道光五年案

江西道御史 奏稱私鑄鉛錢不及十千房主人等
知而不首各依次遞減若房主人等失於查察者俱
杖八十未成爲從及房主人等仍各依次遞減科斷
查未成之案房主人等僅止失於查察應否減爲杖
七十或照私鑄銅錢未成之例不知情不坐似應補
出等語 查私鑄鉛錢之例係仿照私鑄銅錢之例
纂定而罪名則微有等差者蓋因私鑄鉛錢其情較

浙撫咨顧懷
續收員私易
其和與唐雲私
鑄未成應照爲
從例擬徒道光
元年案

私鑄銅錢稍輕故其罪亦難與私鑄銅錢並論惟在
私鑄銅錢例內未成之房主人等不知情者不坐而
私鑄鉛錢例內祇言未成爲從及房主人等仍各依
次遞減科斷並無不知情者不坐之文若因例內未
經載明遞將私鑄未成失於查察之屬主於杖八十
遞減科斷是較之私鑄銅錢之案辦理轉重不足以
示持平自應將例文酌加修改應請於例內未成爲
從及房主人等之下添入知而不首四字於遞減科
斷之下添入不知情者不坐六字以便引用

偽造假銀應以
有無其銀爲斷

山東司 審擬何五等偽造假銀行使一案查律載
以銅鐵水銀偽造假銀者杖一百徒三年爲從及知
情買使者各減一等等語嗣於乾隆五年本部議覆
甘肅巡撫德 條奏案內議將凡用銅鐵鋤鉛藥煮
偽造假銀行使者枷號兩個月發烟瘴少輕地方爲
從及知情買使者枷號兩個月流三千里又將銀空
孔傾入銅鉛等物及用銅鉛等物傾成錠鏤外用銀
皮包好並銅鉛等物每兩內攙實銀二三四五錢不
等偽造銀使用者均照以銅鐵水銀偽造金銀律分

別首從擬徒禁 輯例文兩條歷久遵行在案是偽造
假銀騙人行使及知情買使例有軍流徒罪之分總
視其所造銀因是否摻有真銀爲斷若全以銅鐵錫
鉛偽造假銀卽應按例擬軍不得仍引擬徒律文此
案何五所造假銀係全用白銅鑄化成錠以水銀擦
洗做就與空孔傾造及用銀包裹摻用實銀者不同
正應照銅鐵錫鉛藥煮偽造假銀例將該犯與知情
買使之高天祥等分別擬以軍流今該司將何五等
依以銅鐵水銀偽造金銀律擬徒係屬錯誤應請交

偽造假銀未成
量減一等

知情故買假銀
尚未行使

司照例改擬
嘉慶十九年現審案說帖

陝撫○咨武邦顯製造贗具案內之楊步武偽造假銀未成將楊步武比照以銅鐵水銀偽造金銀滿徒律上量減一等杖九十徒二年半
嘉慶二十年案奉

直督司 劉馬駒明知任光才偽造假銀故買漁利第尚未行使於行使假銀枷號兩個月滿流例上量減一等杖一百徒三年加枷號一個月
嘉慶十九年案

詐僞官

頂替同籍知州
有請投供候選

福建司 審奏趙載鎔商令余立本代候選知州王
家樞投供驗到一案職等查無官詐稱有官擬以滿
徒之律重在有所求爲求爲者在法舞弊之謂也至
候選官員赴部投供驗到銓法攸關吏部卽憑供選
缺例必親身赴驗且必加投互結者原以杜假冒頂
替之弊若非其人而代爲投供非無官詐稱有官而
何其意欲未能親身投供之人速得官職非有所求
爲而何設使投供之人因此得缺則銓法亂而舞弊

者得遂其求爲之計此等人犯固不必故爲加重亦未便舍本律而有意從輕今趙載銓於候選知州王家樞並未在京希圖王家樞得缺隨任管事輒商令余立本代爲投供余立本亦圖作幕友聽從冒名赴部應到自應分別首從按律懲辦該司前稿將趙載銓等分別擬徒與例相符後稿改擬枷杖似屬有乖定例至余立本既代爲投供自必服用知州頂戴若以本人常服赴部應到豈不慮及敗露且所投互結必須當堂親交書吏之手縱是日久多難應名時

或未能查察當親交互結時人人屬目接結書吏於
本員之衣冠容貌定能熟睹點名司員於本員之有
無頂戴亦必灼見烏能令無頂戴之人朦混聽點若
非余立本捏詞支飾即係吏部書吏暗中假冒情弊
顯然雖本律內並不以有無頂戴分別罪名而供詞
宜歸核實該司所取余立本供內刻未敢戴知州頂
戴沒穿補褂似無此理於書吏凌大壩供內則未訊
及曾否看見有無頂戴亦尙含混難成信讞應請交

司再訊

嘉慶十九年說帖

假冒職官借銀
是債附近圖騙

陝西司 查例載無官而詐稱有官並未造有憑劄
但係圖騙一人圖行一事犯該徒罪以下者發近邊
充軍犯該軍流遺罪者擬絞監候若假冒頂帶自稱
職官止圖鄉里光榮無所求為亦無憑劄者杖六十
徒一年等語詳繹例文只分圖騙一人圖行一事及
無所求為兩項本屬分晰引斷無虞牽混此案羅青
雲因在外貿易折本不能回籍似自職官借銀還債
跡近圖騙並非無所求為即為該犯央人保借銀兩
冀圖回籍變產清還議有利息立有借票又告知實

假曰千總並非
有所求焉

在姓名住址得使即從追討與實在圖騙不思僞混
者不同亦難比附加減定擬本部未便預爲指定致
同自擬自核且詳查原咨僅止摘敘案由並未續敘
供詞本部尤難懸揣應令該撫詳核案情例意妥擬
道光八年疏帖

順尹 谷崔士玉因懷王瑞祥借貸不遂微嫌捏造
王瑞祥壓魅咒詛欲害周廷元子嗣之言寫信與周
廷元欲圖交好覓館以致周廷元輕聽呈告今審屬
子虛在周廷元係事出有因而崔士玉又祇圖交好

未令告官均未使以誣告科罪惟崔士玉始則冒充
選拔圖寬館地迨調查不符又假冒現任衛下總惟
並非倚藉假冒有所求為將崔士玉於冒稱現任官
員並未造有憑劄但係圖騙一人擬軍例上量減一
等杖一百徒三年

嘉慶二十三年直隸司案

假冒親王諭帖
冒稱王親索詐

順尹 奏計冒職官擬徒之崔士玉復詭捏莊親王
諭帖騙得崔光岫財物又冒稱王府親戚寫信索助
查該犯所書諭帖信函均以被押告助為詞是其捏
造諭帖之時已有詐冒之心按該犯詭捏親王諭帖

例無專條應比照詐傳一二品官言語已犯該徒罪

以上合依詐冒

軍親族屬姻黨挾騙財物者徒罪以上枷號一個月發近

邊充軍

嘉慶二十五年直隸司案

晉撫咨代書武文斌假冒汾州府知府係伊舊日

至好並在外揚言許伊戴頂弁翼動人慾恩藉圖撞

騙將武文斌比照詐冒內官親屬等項名色恐嚇官

司誑騙財物軍罪上量減一等滿徒

嘉慶二十二年案

奉天司此案張楷係捐納布政司經歷因胡峻見

捐職布經昌充
現任官拿賄

刑案匯覽

卷五十一 刑律詐偽

三

詐假冒

有政理問解用
水晶頂帽滿林
革職案載服舍
逆式條

該犯捐有職銜戲說現值年節鄉下有賭汝若氣帶
吾等跟隨至鄉必有出錢之人該犯隨起意拿賭詐
錢當與王智胡連等商允並令王智買備鎖鍊牛皮
做成掌板雇覓車輛即將車上原有紅旗書寫戶部
專差按察公務字樣冠戴衣與坐車令胡連等六人
分充書役跟班各乘馬匹同行先後詐得孫錦劉亮
讓等錢十五千五百文分用嗣因向鄉約李殿元詢
問賭博將李殿元掌實五下旋被李殿元看出稟案
審訊等因直張信假充現在職官令胡連等分充書

郎中之子昌戴
水晶頂拜客擬
徒案裁私出外
境及違禁下解
條郎抄王補源

役跟班擅指鎖鍊等物下鄉詐錢實屬目無法紀聞
謂張楷究曾在部捐職與該空欺詐官府嚇惑人民
者有聞惟查無官証稱有官並未造有憑詞圖騙一
人圖行一事例應發近邊充軍該犯雖與無官者稍
有不同而本案已不止圖騙一人圖行一事即照例
擬軍實屬罪所應得未便牽引詐稱官司差違之律
再從輕減再查此案既係胡峻首先談及並主令張
楷冠帶各犯跟隨誠恐係胡峻起意為首所謂胡峻
戲說之處亦難保無狡供避就情事應令該將軍另

行詳審妥擬 道光七年諭帖

代人捐職而請
廢照空收詎騙

直隸司 審擬王鳳鳴空照詎騙一案查例載偽造
憑劄並將有故官員憑劄賣與他人及買受憑劄冒
名赴任者俱擬斬監候等語蓋憑劄為官員赴任之
信符敢有偽造買賣則藐法作奸非尋常欺詐可比
故罪應斷誅至職銜及監生執照不過頂帶虛榮具
執持赴任之憑劄迥不相符此案王鳳鳴係吏部貶
寫因初寄託伊報捐從九品職銜並代李攀桂報捐
監生加捐千總職銜該犯起意詎騙將科房存貯廢

照偷出照依胡留李攀桂姓名年歲籍貫三代職銜
銀數逐一填寫送交胡留收執詎得紋銀四百三十
七兩零查該犯劣改他人廢照填寫虛銜詭騙得財
與偽造可以赴任之憑劄不同且止就廢照劣改亦
無偽造印信情事其罪不至於死惟該犯竊取科房
內存貯廢照係屬偷竊衙署例應發極邊烟瘴充軍
該司將該犯於詭騙計贓滿流罪上加等擬發附近
充軍尚未允協應請飭司照改

嘉慶十七年說帖

提督 奏送呂文隴先曾假冒水晶頂帶着國光榮

國圖要案摘錄
懲例假充守備

卷五十二 凡律詐僞

臣

詐僞

迫圖娶李氏爲妻遂詐稱武舉加捐守備並描模印信假捏部照查驗該犯所描印信模糊不辨字跡堪爲字句文義及長短大小均非部照式樣與實在違有憑劄者不同惟該犯究已捏造假照應詳呈問擬將呂文龍於無官詐稱有官並未造有憑劄但係圖騙一人犯該徒罪以下發近邊充軍例酌加一等發邊遠充軍

道光三年廣西司現審案

似造伍王贊明
銀牌圖騙兄嫂

河撫 奏熊時先假冒銀牌一案緣熊時先貧無聊生屢向伊兄熊時典索錢未能常遂其欲時有詬誶

該犯抱忿出外覓工又因懶逐出該犯欲即回家因
念家與兄嫂不睦市出傭工旋又回去恐愈被輕賤
且慮度日無資欲爲哄騙之法憶及上年趕腳在路
曾見

欽差赴楚其在後行走者傳聞知爲伍王該犯遂起意製
造銀牌假冒伍王賞賜字樣希圖帶至家中哄騙兄
嫂央銀匠蕭文彩打造蕭文彩因有伍王愛卿等字
不肯與製該犯復捏稱係翰林院熊玉隆家人途中
遺失伍王原賞銀牌故欲補造當取錢一千零四十

文憑鄰人李經夏講估隨經打成銀牌次晚取去該犯正欲歸家被哨役盤獲解縣究訊查熊時先一介小民祇因與兄嫂不和輒敢捏造銀牌假冒王賞賜雖止欲騙兄嫂並無別項不法情事而所造伍王獎卿等字樣實屬大干法紀查律例並無假冒王公賞賜作何治罪正條而不法之徒亦便輕縱熊時生應請從重擬絞監候等因具奏查例載詐冒

皇親族屬姻黨家人在外巧立名色挾騙財物者於所犯地方枷號一個月充軍又律載詐偽六部等衙門之

書套畫押字盜用印信者絞監候各等語今熊時失
因兄嫂待伊輕賤遂假造伍王所賜銀牌真圖詐騙
兄嫂雖據訊無別項不法情事而所造伍王賜愛卿
等字樣實屬有干法紀若僅將該犯依例擬軍無以
示儆應將熊時先比照詐偽六部等衙門文書律擬
絞監候銀匠蕭文彩被愚代造亦屬不合應擬杖一
百枷號一個月代爲說合之李經夏擬杖八十再查
律載斷罪無正條者援引他律比附應加應減定擬
等語是律無正條事件原可援引比照從無不引律

例坐擬斬絞罪名之案今該撫將熊時先擬以絞候
並未援引條例與律未符臣等謹比引律文核覆應
候

命下之日行文各督撫遵照辦理乾隆二十九年奏准通行

無頂帶醫士目
戴金頂

南城察院 移送杜幅長因戴金頂該犯係太醫院

醫士並非職官所戴金頂卽與生監無異杜幅長應

照假員生監頂帶例杖一百

嘉慶二十三年山東司
現審案

江西撫 咨攢典聶觀光抄寫小字文於考試時隨

典抄實懷挾
詩文假稱職員

棚買典考童夾帶及被獲到官又假冒職員應比照

未經考職書吏冒戴頂帽服役冒職冒例杖六十徒
一年嘉慶二十二年案

假差詐五
致斃分別治罪

詐稱內使等官

陝撫 題王真得等共毆劉義和身死一案緣王真
得何清蔣繼周曾貴齊朋與劉義和素不認識嗣因
楊正剛在劉義和地內摘食野菜被毆控縣差傳劉
義和畏罪潛逃何清聞知起意假差嚇詐稔知劉義
和赴八仙河探親當向王真得蔣繼周曾貴齊朋告
知邀允幫訖該犯等偕往找見劉義和稱係縣役奉
差傳喚聽審劉義和索看差票何清用言支吾劉義

和識破假差隨向斥罵並掌批何清腮頰回身取械

整例刺字似係
錯誤記查

何清舉腳踢傷劉義和右腿王真得踢傷劉義和腎
囊倒地越五日殞命此案何清僅止糾邀王真得等
假差嚇詐並未率領毆打迨被劉義和看破忿爭互
毆自應以下手傷重之王真得照共毆律擬絞監候
何清起意假差嚇詐未經得財惟釀成人命未便輕
縱何清應依詐充差役嚇取財物犯該徒罪以上無
論有無發票例枷號一個月發近邊充軍照例刺字
雖親老丁單不准留養蔣繼周曾貴齊朋均依爲從
減一等杖一百徒三年楊正剛摘食野栗應之置議

此處所引例文
係嘉慶六年修
定之例並非九
年復修之例是
以分別有無發
票

刑案匯覽

等因查例載詐稱各衙門差役假以差遣體訪事情
緝捕盜賊爲由占宿公館妄拿平人及搜查客船嚇
取財物擾害軍民審係捏造簽票執持鎖鍊恐嚇詐
財者卽照蠹役詐贓一例問擬其未捏有簽票止係
口稱奉差嚇唬者徒罪以上枷號一個月發近邊充
軍杖罪以下亦枷號一個月發落若計贓逾貫及雖
未逾貫而被詐之人因而自盡者均擬絞監候拷打
致死者擬斬監候爲從各減一等如假差遣有偽造
印信批文或以捕盜搶檢傷人或嚇詐忿爭毆故殺

人按律應擬死罪者仍各從其重者論又律載律自
頒降日爲始如事犯在未經定例之先仍依已行之
例定擬例應輕者照新例遵行各等語溯查假差嚇
詐舊例內止載徒罪以上枷號一個月發近邊充軍
杖罪以下枷號一個月發落係照恐嚇取財計賊准
竊盜論加等定擬罪不至死是以嚇騙忿爭毆故殺
人均照尋常鬪殺故殺治罪迨嘉慶五年臣部核覆
雲南巡撫條奏議將捏有發票者卽照蠹役詐贓一
例問擬其未捏發票如計賊逾貫暨被詐之人自盡

均擬絞監候拷打身死者擬斬監候等因纂入例冊
誠以無業遊民假差嚇詐和害閭閻情殊可惡故嚴
立科條用昭懲創歷年來遇有被詐之人自盡及拷
打致死之案均照此分別斬絞辦理如被詐之人毆
死假差嚇詐之犯卽以擅殺罪人科斷洵屬平允惟
因嚇詐互相爭鬪毆死被詐之人向因例內有嚇騙
忿爭毆故殺人律應死罪各從其重之文仍照凡鬪
問擬查忿爭與拷打殊科毆死較自盡爲重此等人
犯毆由忿爭互鬪並非拷打逼詐固未便卽照拷打

致死例定罪若仍以凡鬪論絞既與死由自盡者無
所區別且核之被詐之人毆死假差律以擅殺者一
事兩歧殊非賄暴持平之道應請嗣後假差嚇詐忿
爭毆故殺被詐之人照罪人殺所捕人律擬斬監候
被詐之人毆死假差者照擅殺罪人律擬絞監候似
此酌加修改庶歸平允如蒙

俞介

臣部通行各省並纂入例冊遵行此案王真得等假

充差役向劉義和嚇詐被劉義和識破致相爭毆該
犯等共毆劉義和身死該撫援引嚇詐忿爭毆故殺

被糾旁人被傷
假差應照凡論

人律隱死罪各從其重者論之例將王真得依共毆
下手傷重律擬絞監候與現行之例相符該犯等事
犯係在未經定例以先按斷罪依新頒律註仍應照
已行之原例定擬王真得合依共毆下手傷重律擬
絞監候餘均應如所題況結

嘉慶十七年通行已集

雲撫 咨假差嚇詐與旁人互毆致斃作何治罪等
因查假差嚇詐互毆斃命之案本部於上年五月議
覆陝西省王真得案內酌定罪名奏准通行在案今
該撫以鄰佑旁人或係被詐之人糾往或係旁觀不

平毆故殺假差或假差毆故殺鄰佑旁人應作何治
罪請示等語查假差嚇詐罪人非姦盜兩項可比鄰
佑有守望相助之責故專隸賊盜一門而捉姦與捕
盜相等故凡聽糾同往者亦得與事主並論此外不
得濫引是以毆死兇惡棍徒一項亦不能將聽糾同
往之人與身受擾害者視同一例此項假差嚇詐案
內之鄰佑旁人並非身受其害自未便以聽糾同往
卽與被詐之人一例同科至旁觀不平者無論何項
罪人總不在應捕之列若彼此有犯應仍各按謀故

關殺本例科斷所有該撫請示之處應毋庸議

嘉慶十八年通行已集例

假至先後嚇詐
似詐之人自盡

川督題陳幅等假差嚇詐姜紋斗錢文並張貴等
復向嚇詐致姜紋斗自縊身死一案查例載詐充差
役嚇取財物者未得有發票止係口稱奉差嚇唬者
杖罪以下枷號一個月發落被詐之人因而自盡者
擬絞監候等語此案陳幅因謝悃儀向姜紋斗加當
地價不遂聲言欲投人控告嗣因鄰證未理隨未具
控陳幅聽聞其事並探知姜紋斗爲人誠實隨起意

商同母正遠張貴孫珍假充差役至姜紋斗家聲言
謝幘袋已控告在廳現差伊等喚審姜紋斗信以爲
實卽央陳幅等照應陳幅等向索差費姜紋斗當借
錢二千二百文給陳幅等攜回母正遠用錢二百文
餘錢除開銷飯錢外俱經陳幅借用而散越兩日張
貴因未經分錢起意復邀孫珍前往姜紋斗家索詐
時姜紋斗正向伊戚借錢一千文欲出外販槐張貴
捏稱催番復向姜紋斗嚇詐錢八百文姜紋斗因被
索詐無本營生一時氣忿潛至廩內自縊殞命查陳

其圖嚇詐卑幼
於控告後串通
日役致逼眾人
命將白役照假
差通命爲從擬
流案減十名犯
義係奉省李文

幅等四人先向姜紋斗嚇詐時姜紋斗並無欲死之
心迨越兩日後張貴起意復行嚇詐陳幅並不知情
姜紋斗因被張貴等索詐無本營生始行氣忿自盡
自應科張貴以詐贓斃命之罪固不得因有陳幅先
曾嚇詐將張貴罪名稍從末減而姜紋斗之被詐斃
命既有張貴當其重罪亦未便將不知復詐情事之
陳幅再行加重辦理應各科各罪以免牽混該省將
張貴依計充差役嚇取財物被詐之人因而自盡例
擬絞監候陳幅等仍依詐充差役恐嚇詐財本例計

假充釀命雖未
何賊仍應擬絞

賊分別首從擬以柳杖尙屬允協恭逢本年

恩詔現經該司將該犯等擬以不准援免似只可如此辦

理
嘉慶二十四年說帖

奉尹 咨解得榮等假充捕役嚇詐民人朱億錢文

致令自縊身死一案查該役詐賊斃命無論已未得

賊均應按例將起意首犯擬絞從犯俱減等擬流從

無因賊未入手率行量減之案此案解得榮起意假

充捕役詐錢分用商允魯發沈位向朱億嚇詐錢文

並以送州究治之言嚇唬致朱億因無錢愁急自縊

身死不獨造意之解得榮隨同嚇詐之魯發應按例
擬罪卽未經幫同嚇唬之沈位業已同充假捕隨同
索註亦應以爲從論設解得榮等實係真正捕役而
朱億實係罪人尙不得違例量減況該犯等係假差
詐贓斃命死者係屬無辜良民自應照例分別首從
科斷今該府尹以該犯等僅止用言嚇唬賊未入手
與嚇詐得贓致斃人命者不同將爲首之解得榮量
減擬流從犯魯發擬徒沈位擬以枷杖均屬錯誤該
司駁令另擬洵屬允當應請照辦惟駁尾內尙漏從

犯擬流一句謹浮簽添入

嘉慶二十一年說帖

奉尹

咨覆解得榮等一案

職

等查假差嚇詐之案

例禁甚嚴若有關人命向不論其贓數多寡已未入手俱按例擬以絞抵歷有成案可循從無因其贓未入手稍爲寬減此案解得榮等假充差役向買贓之宋億嚇詐以致宋億自盡前據該府尹將該犯等分別首從擬以流徒未允協經本部駁飭另擬該府尹並未更正復仍照原擬聲殺殊屬有意寬縱今該司據引成案仍行駁令另擬洵屬允當應請照辦奉

批如死者知情買贓則死者卽係罪人該犯似可援減
再係等因職等查假差斃命之案大都事出有因者
多平空嚇詐者少原以死者有可詐之醫因而假充
差役口稱差拿乘機索詐被詐者受其欺騙誤信爲
真卽可隨其術中不惟與擅殺罪人不同亦與刁徒
無端聚斂平空訛詐欺壓鄉愚致令自盡者有間且
衙役非奉官票或雖奉票而有藉差嚇詐陵虐罪犯
情事如被罪犯毆死者例應與平人同科其因嚇詐
致死被詐之犯者例雖不言亦當與平人並論以應

捕之差役因嚇詐而致死應捕之罪人尙不得未減
其罪則無應捕之責因嚇詐而至死不應捕之人更
難遽擬寬減至知情收買竊賊律止坐贓論罪卽在
擅殺罪人案中亦不得謂之罪人科兇犯以擅殺之
罪况係假差嚇詐適令自盡自不能不照例論抵檢
查二十年三月間本部議覆東撫題王所住因夏中
禮行竊出文通地內穀穗遂假充捕役剝取夏中禮
衣服制縛嚇詐錢文致令情急自盡一衆死者本係
竊匪該犯亦未得贓將該犯依假差嚇詐致被詐之

人白盜例擬絞監候題結在案此案已死宋億收買竊贖如其明知竊情該犯亦應照假差嚇詐斃命不例擬絞監候今該府尹既訊係誤買不知竊情自應科該犯以緝首之罪應請仍照該司所擬辦理

嘉慶二十二年說帖

假差索詐受寄
嚇死之人白盡

東撫題王四假差嚇詐李宗太致令白盡一案查假差索詐斃命較之刁徒訛詐斃命者尤為可惡無論死者是否平民向俱悉照本例科斷此案王四因石貴偷竊母舅家牛隻寄交外甥李宗太收養該犯

素知李宗太爲人慇厚起意嚇詐卽捏稱該縣捕役
用繩將其拴住欲行送究李宗太畏懼求釋該犯索
詐大錢二十千李宗太因錢無措卽投緘殞命查已
死李宗太受脅竊賊在凡人罪止枷杖况係竊誠石
貴小功外甥本保律得容隱之人其所犯之事又與
該犯毫無干涉該犯熟其忠厚起意索詐致令情急
自盡已應照刁徒訛詐釀命例擬絞既有假差冒捕
情節更應按例科罪未便以李宗太本非良民稍爲
寬貸該省將該犯依假差妄拿嚇詐被詐之人自盡

假差斃命死非
平人仍應擬絞

例擬絞監候與例相符應請照覆

嘉慶二十年諭帖

蘇撫 咨張阿幅因伍阿三窩留竊匪假差嚇詐致

伍阿三投水身死咨請部示一案查假差嚇詐致被

詐之人因而自盡不同得賊與否卽應依例擬以絞

候至假差嚇詐例內雖有妄拿平人字樣惟查例載

捕役人等奉差緝賊所獲之人不論平人竊盜私行

拷打嚇詐財物俱照誣良爲盜分別強竊治罪又誣

良爲竊嚇詐逼認因而致死擬絞監候是捕役人等

奉差緝賊若將所獲之人嚇詐財物因而致死尙不

查何齊代人訪
獲竊賊卽應告
知事主報究乃
藉端假天差役
始則將竊賊拴
鎖計銀緡復將
受罰分用竊賊
之陳胡氏嚇詐
我陳胡氏無措
情急自盡未便
因死係有罪之
人量減絞候
令既擬絞候嘉
慶十六年陝西
省案見繫案新

諭竊盜平人俱應依例擬絞况係假差嚇詐致斃人
命自難以死非平人轉貸其償首之罪檢登歷年辦
過假差嚇詐致斃非平人之案有仍照假差致斃人
命問擬絞候者亦有於絞罪上量減擬流者細核量
減擬流之案究屬典例未符似難援以定讞此案伍
阿三窩留刺匪劉阿九雖據劉阿九供認屬實固非
平人惟該犯係假充捕役嚇詐致被詐之人自盡未
量減奉差緝賊之捕役科罪轉輕自應將張阿幅仍
照例問擬絞候孟三等依爲從減一等擬流謹擬稿

尾

稿

查例載詐充各衙門差役假以緝捕盜賊爲

由妄拿平人嚇詐財物若計贓逾貫及雖未逾貫而
被詐之人因而自盡者絞監候爲從減一等又捕役
人等奉差緝賊所獲之人不論平人竊盜私行拷打
嚇詐財物俱照誣良爲盜例分別強竊治罪又誣良
爲竊嚇詐道認因而致死擬絞監候各等語是捕役
人等奉差緝賊若將所獲之人嚇詐財物因而致死
尙應不論竊盜平人及是否得賊均應依例擬絞况
係假差嚇詐致斃人命未便以死非平人轉貸其縲

首之罪此案張阿幅因刺匪劉阿九久未見面詢知
伍阿三窩留在家起意商尤孟三高二實等假充捕
役拿獲詐錢傳用伍阿三不認窩留該犯等將其拉
帶行走伍阿三掙脫逃回該犯等尾追伍阿三情虛
跳入溝內溺斃該撫以伍阿三係窩匪罪人且係空
言圖詐贓未入手核與妄拿平人嚇詐得贓致斃者
有間應否將該犯張阿幅依例量減等因咨請部示
查已死伍阿三窩留刺匪劉阿九固非平人惟該犯
張阿幅假差嚇詐並向尾追致伍阿三跳溝溺斃未

假差贖命死
贖匪仍應擬絞

便較奉差緝賊之捕役科罪轉輕亦難以賊未入手
遽擬置減相應咨覆該撫將該犯張阿幅仍依假差
嚇詐財物致被詐之人因而自盡例問擬絞候孟三
等依爲從減等擬流具題

道光四年詔帖

山東司 查捕役人等奉差緝賊若將所獲之人捆
縛嚇詐因而致死尙應不論竊盜平人及是否得贓
均依例擬絞况係假差嚇詐致斃人命未便以死非
平人轉貸其纓首之罪此案許興言因張田等在居
富功懲厥賭博糾允任二等假充差役攜帶鎖鍊將

張田等拴住經張田等各許給京錢十千當將張田等釋放嗣張田因無處措錢情急服毒自盡查已死張田因在居富功繼厥賄博因非平人惟該犯許典言假差嚇詐致張田服毒自盡未便以事出有因寬該犯絞首之罪該撫將許典言照詐充差役嚇取財物犯該徒罪以上例擬軍未免輕縱罪名生死攸關應令該撫照例妥擬具題

道光五年說帖

以差嚇詐致死
該匪仍應擬斬

直隸司 查例載詐充差役嚇取財物搗打致死及嚇詐忿爭毆故殺被詐之人者均照

律擬斬監候爲從各減一等又捕役誣竊爲盜嚇詐
逼認拷打致死者照故殺律擬斬監候又捕役奉差
緝賊妄行拿獲所獲之人不論平人竊盜私行拷打
嚇詐財物俱照誣良爲盜例分別強竊治罪各等語
此案國才林因見賊犯康唐攜賊售賣起意假充差
役嚇詐彼此忿爭將康唐毆傷身死該督以國才林
假差嚇詐固係罪人而康唐行竊得賊亦非良民可
比應否卽照凡鬪擬絞抑或仍照假差嚇詐拷打致
死之例問擬並援引各省辦理未能盡一成案咨請

部示等因查假差嚇詐致斃竊賊之案歷年辦理並未畫一惟定例奉差緝賊之捕役不論平人竊盜但經拷打嚇詐財物俱照誣良爲盜例辦理並不以死非平人爲之實減是假差嚇詐拷斃竊賊之案在死者固非平人而假差嚇詐又較奉票緝賊之捕役情節尤重未便科罪轉輕自應仍照假差嚇詐拷斃人命之例定擬惟該督並未將國才林之案詳敘供招本部礙難懸擬應令該督飭審明確按例妥擬具題

到日再議

道光九年說帖

安撫 咨張俊等假捕拷傷賊犯陳六等引修在
監病故一案查例內假差妄拿平人嚇詐拷打致死
罪應斬候爲從減一等此案張俊與陳秀商允假充
捕役捉拿曾經犯竊之陳六訛詐捆縛拷打致死是
陳六雖係竊匪而張俊等則係假差妄拿拷打自應
照假差嚇詐拷打致死例治罪該省將張俊依威力
制縛拷打致死律擬絞陳秀照爲從擬徒殊屬錯誤
該司將張俊改依詐充差役妄拿平人恐嚇詐財拷
打致死例擬斬監候陳秀依爲從擬流洵屬允協應

請照^律嘉慶十七年說帖

安撫 咨張太因見謝維江竊其族叔驢頭賣錢該
犯起意假充捕役嚇詐因謝維江不允棍毆謝維江
身死查捕役嚇詐拷打致死既不分平人竊盜俱照
誣良例治罪則假充捕役嚇詐拷打致死亦應不分
平人竊盜一例定擬將張太依詐充差役嚇取財物
拷打致死例擬斬監候

嘉慶二十三年案

假差嚇詐毆死
被詐人之堂弟

河南司 查例載詐充各衙門差役嚇詐忿爭毆故
為被詐之人者均照罪人殺所捕人律擬斬監候等

語此案周大漢因知林守先堂弟林元勛充當保正
老實可欺起意假充糧差往囑林元勛備給飯食林
元勛索看差票周大漢答以未曾攜帶林元勛料係
假差向斥林守先從旁幫護致相詈罵林守先即用
木扁擔毆傷周大漢額顙右手腕周大漢情急拾瓦
回毆適傷林守先額顙倒地殞命該撫以林守先並
非被詐之人將周大漢照關殺律擬絞監候具題
臣
部查閱林守先供及林元勛供招內俱稱林守先
與林元勛係堂弟兄並未供明係何服制及是否同

假差拷斃良民
未便加擬立決

居如果林守先與林元勛係分居各度並不共財林
守先因幫護堂弟被毆身死方可謂非被詐之人將
該犯依鬪殺問擬若林守先與林元勛係同居共財
則該犯向林元勛嚇詐飯食與向林守先嚇詐無異
不得謂林守先非被詐之人卽不得寬該犯以拒捕
之罪該撫並未訊明林元勛與林守先係何服制是
否同居共財輒將周大漢依鬪殺擬絞殊屬含混罪
關斬絞出入應令研訊確情按律妥擬

道光十年說
帖

山西司 查例載能充各衙門差役妄拿平人嚇取

財物拷打致死者照罪人殺所捕人律擬斬監候等語此案趙淙幅聽從李必假差嚇詐誣指張付貴爲賊贓因其不認將其拷打致斃查張付貴被毆各傷惟趙淙幅用鐵尺鐵繩所毆左右肩甲心坎左右腰左右肋左腰腎囊等處半係致命部位或傷至骨損爲重應以趙淙幅當其重罪應如所題趙淙幅合依詐充各衙門差役妄拿平人嚇取財物拷打致死者照罪人殺所捕人律擬斬監候該撫疏稱該犯於革役之後並不安分守法乃敢串謀嚇詐妄拿良民誣

為竊盜喝令吊打傷至五十餘處之多又復棄屍滅跡以致慘遭悉檢覈法已極若僅照例擬以斬候倘覺罪浮於法趙淙幅應請

旨卽行正法等語查趙淙幅聽從假差嚇詐拷斃良民以該犯下手傷重照例擬抵其棄屍井內因畏罪所致係屬輕罪不議既依本例擬以斬候未便再於例外加重所有該撫聲明請

旨卽行正法之處應毋庸議

道光九年詔帖

貴撫 咨王得仁假充差役糾同袁老四等前往嚇

假差嚇詐致被
詐人殺死四命

詐竊賊張老五銀兩張老五不肯出銀互相爭鬧致
張老五將袁老四陳官保殺死該犯復邀鄉約士目
等往拿又被張老五銃傷趙老大安老震斃命雖被
詐之張老五並非平民該犯亦未得贓惟張老五之
先後致斃四命皆由該犯嚇詐所致應將王得仁比
照詐充差役嚇取財物擾害軍民犯該徒罪以上例
枷號一個月發近邊充軍

道光二年案

希圖事主酬謝
假差拿賊釀命

川督 咨王俸因何三奇行竊李華升服物該犯希
圖李華升酬謝錢文卽詐充差役將何三奇捉拿捆

假捏票稿圖詐
致人失足淹死

縛致何三奇情急投水身死查何三奇並非平人該
犯亦未向其索詐究與妄拿平人因詐贓而逼斃者
有間將王俸依詐充差役妄拿平人嚇取財物被詐
之人因而自盡擬絞例並減一等杖一百流三千里
嘉慶二十五年案

北撫 咨張竹坡因王瓊林託伊擬聽李振清告狀
之信乘間捏造票稿圖詐以致王瓊林欲與李振清
理論中途失足溺水淹斃與詐充差役詐財致被詐
之人自盡者有間將張竹坡比照詐充差役捏造票

革捕假冒官差
索詐竊賊忽而

詐稱差役私造
假銀鎖拿平人

卷五十一 刑律詐偽

詐稱內使等官

票嚇詐致被詐之人自盡擬絞例量減一等杖一百
流三千里 道光三年案

蘇撫題丁士行戮死蔣在潮案內郭佩大周八曾
充縣捕誤公斥革復敢假冒官役索詐丁士行錢物
計贓二兩雖丁士行現係竊賊並非平人惟該犯以
革役假冒索詐致釀人命應將郭佩大照竊役詐贓
一兩至五兩例枷號一個月杖一百周八照爲從杖
九十枷號二十五日 嘉慶二十五年案

奉天司查例載詐充各衙門差役妄拿平人及嚇

取財物犯該徒罪以上者無論有無簽票枷號一個月發近邊充軍爲從減一等又律載詐稱官司差遣而捕人者杖一百徒三年若得財並計贓准竊盜從重論贓輕以詐科罪名等語查周連青故殺曹興案內之周文美稔知周文亮之女改聘與曹興爲妻起意商同黃文尙訛詐黃文尙又令高陞私造假符冒充差役將曹興鎖拿曹興許給東錢五百二十千媒人周連青亦許給東錢二十千先後釋令回家湊錢曹興旋向周連青追索舊欠被周連青故殺身死除

父主令子私雕
假印目差嚇詐
仍按假差詐贓
例擬以軍徒案
改偽造印信時
應著等條

周連奇擬抵外該一以該犯等假簽冒差詐贓職命
審明賊未入手將周文美依竊役詐贓計贓千兩以
上近邊軍例上量減一等擬以滿徒黃文尙高陞擬
以杖九十徒二年半等因查假差妄拿平人雖未得
贓未律已應滿徒正與犯該徒罪以上擬軍之例相
合該省原擬與例未符惟賊未入手卽不應計贓科
罪該司改擬竊役詐贓計贓十兩以上例擬軍亦未
爲允協周文美一犯應改依詐充差役妄拿平人及
嚇取財物犯該徒罪以上者無論有無簽票擬軍例

柳號一個月發近選充軍黃文尙高陞均應照爲從
減一等例杖一百徒三年

嘉慶二十一年說帖

假差嚇取白銀
按例應擬斬候

廣東司 查例載詐充各衙門差役妄拿平人嚇取財物被詐之人因而自盡者擬絞監候拷打致死及嚇詐忿爭毆故殺被詐之人均照罪人殺所捕人律擬斬監候爲從各減一等語此案陳亞爲因知開木店之鄭亞早爲人愚懦有錢畏事起意假差嚇詐糾允葉通等前往稱係典史衙門差役現因鄭亞早被人控告負欠木價承差拘追如送給銀兩可以釋放否則拘拿送究鄭亞早索看發票陳亞爲等稱未攜帶鄭亞早不依分辯陳亞爲卽令葉通等將鄭亞

早捉住取出鎖鍊套住項頸稱欲送究當將鄭亞早
拉走鄭亞早求釋陳亞爲等仍稱必須送給銀兩始
行釋回沿途嚇逼拉至河邊鄭亞早用力掙脫滾跌
落河被淹殞命該撫以陳亞爲詐充差役用鐵鍊鎖
套鄭亞早項頸並無毆打情形鄭亞早自行掙跌落
河淹斃卽與自盡無異將陳亞爲依詐充差役嚇取
財物被詐之人自盡例擬絞監候等因具題臣等查
假差斃命問擬絞候之例係專指死由自盡者而言
若拷打致死及因嚇詐分爭毆殺被詐之人俱應照

罪人殺所捕人律擬斬例內分晰甚明引斷豈容牽混今陳亞爲詐充差役嚇詐鄭亞早銀兩因不遂欲將其拉走雖無拷打情事惟鎖項揪拉致令掙跌落河流幾實屬忿爭致斃此等情節在凡關中旣不能不照鬪殺科斷則在假差嚇詐案中亦應依忿爭毆殺本例問擬卽可隅反該撫以並無毆打情形將該犯照詐充差役嚇取財物被詐之人自盡例擬絞殊未允協罪關斬絞出入應令該撫另行按例妥擬具

題
道光十三年說帖

今無盜符驗即毋庸添設條例

此係盜制書條
原律文

江西道御史 奏稱盜者依盜符驗律查盜符驗律

未有專條似應補出等語 查雍正三年以前原律

內載凡盜制書及起馬御寶聖旨起船符驗者皆斬

等語嗣於雍正三年遵

旨校訂律文時因現在需用驛遞馬匹船隻用兵部印信

勘合爲憑無用

御寶聖旨之例將律內起馬

御寶聖旨起船符驗句刪去而詐稱內使等官律內所載

有符驗而應付者不坐及律註所載盜者依盜符驗

律等句則仍循其舊是以微有參差然律文自雍正
三年校訂以後並無改動勢難輕議更張且符驗一
項今既廢而不用自無盜符驗之事更不必另立專
條致成贅設所有該御史奏請補出盜符驗專條之
處應毋庸議

道光十三年通行

近侍詐稱私行

太監詐稱

等事嚴行鎖拿

山西司 道光五年五月初八日奉

上諭我朝家法嚴明從不惟太監與外人交結至差往各省之事尤屬從來所未有此內外諸臣無不知者前據張師誠等於許聖開盤獲在逃太監馬長壽竟敢假冒頂戴捏寫奉旨進香黃旗標插坐船並經軍機大臣會同英和等究出該犯行至丹陽住宿公館令該處家人代雇船隻官爲給賞以此招搖恣肆更非潛蹤匿跡者可比尤屬可惡沿途文武各員何竟毫無見聞若非許

聖關盤獲竟令長途供頓任意妄爲尚復成何事體現
已將該犯按律治罪其尖察過境之地方官此次姑免
深究著通諭直省各督撫嚴飭所屬凡遇緝緝在逃大
監務當認真緝拿若有稱奉差等事無論已未犯法立
卽鎖拿奏明懲辦毋稍疎縱倘再失於查拿將來別經
發覺定將該犯經過之地方官嚴懲不貸欽此

通行

詐病死傷避事

前令假裝白縊
圖賴以致吊死

四川司 查律載知津河水深而詐稱平淺誑令人
過渡以致溺死者以鬪殺論等語蓋以津河水深易
於溺人知而詐稱平淺誑令過渡以致溺水身死在
渡者陷於不知而誑令使渡者出於有意故雖死由
自溺亦應擬以絞抵也至意圖恐嚇會同行詐因而
致死自與被人誑陷者不同此案李耀田因李紹模
將已嫁親妹詭稱孀婦託郭文海為媒嫁伊為妻李
耀田向李世富借錢湊成財禮交郭文海轉交將李

刑案匯覽

卷五十一 刑律雜例

主 官 刑 例 卷 五 十 一

刃刀自傷証告
被人砍傷依証
告論案載証告
條

氏接娶過門經本夫控告斷回嗣李世富向索借錢
李輝田往尋原媒郭文海索賠財禮不遇將其棉被
一條取給李世富抵欠郭文海欲控李世富畏累與
李輝田商量李輝田令至郭文海家假裝自縊恐嚇
冀使不敢控告李世富應允李輝田隨解裹脚布條
給與裝吊比李輝田出門喊嚷經李全清等趨至李
世富因假成真業已縊斃等因細核案情李輝田取
郭文海棉被給李世富抵欠郭文海欲控究與李世
富無涉李世富願聽從假裝自縊甘以身命嘗試已

非情理卽謂李世富爲畏累起見商同恐嚇該犯解給布帶令其裝吊出門喊嚷之際卽應轉回救護何以待至李全清等趕至始行解救更難保無故意遲緩有心陷害情事查閱供招該犯解下脚布給李世富搭上橫枋假裝上吊的樣子就出門喊叫等語其是否令李世富自行上吊卽行出喊抑係已經幫同入套吊起始行喊叫之處俱未一一審明如使李世富並未與該犯商同詐賴該犯因挾郭文海欲控之嫌愚弄李世富上吊復故意遲緩不救以致縊死是

該犯有意陷害人命以異圖賴則迹近於故殺該犯係彼此商同行詐偶致戕害則死者不得謂之陷於不知而該犯商令裝縊冀圖恐嚇不得謂之有心陷害是該犯與死者祇爲圖詐起見該犯解帶給與裝吊以致因假成真正與恐嚇詐賴人爲人傷殘因而致死情事相仿自應減闕殺一等問擬今該督將李輝田比照知津河水深而詐稱平淺誑令過渡以致溺死律擬以絞抵案情律義均未允協應令研訊確情按律妥擬去後茲據該督遵駁覆訊緣李輝田憑

媒郭文海聘娶李紹模之妹李氏爲妻曾借伊妹夫
李世富錢三千文湊交財禮嗣李氏本夫丁坤珍查
知控縣開審將李氏斷令丁坤珍領回李紹模在逃
未獲李輝田原出財禮錢文無著旋經李世富向李
輝田索錢爭扭李輝田抓傷李世富咽喉偏左並拳
傷李世富左耳門經人勸散李世富不依仍向逼索
李輝田以郭文海混行作媒向其索賠財禮因郭文
海外出卽取郭文海家棉被一條與李世富抵欠嗣
聞郭文海欲控李世富畏累與李輝田商量李輝田

令李世富至郭文海家假裝自縊使郭文海不敢控告李世富應允李輝田探知郭文海家內無人同李世富至郭文海家推門進屋李輝田解脫裹腳交與李世富令其自行上吊該犯卽喊人解救李世富將裹腳搭在橫樑結締自行假裝自縊維時李輝田私念若卽行喊救郭文海見該犯等設計圖賴不但財禮無遺勢必據實告究一時起意俟李世富吊死後再行告知諒郭文海畏懼人命拖累央求該犯免報旣可索賄財禮並可詐得錢文隨俟其已死始出喊

救經李全清等趕同解救果經氣絕報縣驗訊該犯
初供時恐將臨時致死實情供吐應得重罪遂匿不
吐露稱爲不期李世富因假成真竟致縊死審詳具
題茲經部駁始據該犯供認前情不諱查李輝田令
李世富假裝自縊雖無致死之心但上吊後念及郭
文海親破國賴之情勢將控告因而坐視既死始出
喊救實屬有心故殺應依故殺律擬斬監候等因具
題查李輝田先經主令李世富裝縊圖賴繼而見其
上吊待其已死始行喊救是李世富之死雖由自縊

欲行自戕誤傷
勸阻之人身死

而弄假成真實因該犯之有心害命應如所題李輝

田合依故殺律擬斬監候

乾隆五十八年奏結案。照駁案新編錄

直隸司 查過失殺人之案必係耳目所不及思慮

所不到初無害人之意而偶致殺傷人者謂之過失

殺人若誤殺之案皆因與人鬪毆或有人在旁勸阻

或旁人倉猝走至爭毆之人因而失手以致誤殺俱

例有專條至自戕之案與故殺人及鬪毆而誤殺旁

人者不同從未有自行傷殘而致殺旁人之事此案

田正泰因開肉鋪折本歸懷莫釋經施成撞牆解勸

主令人裝傷
賴証告未允於
酒醉睡熟時川
刀刺湯醒後赴
官報告的主使
人爲首照証告
中等擬流赴控
人爲從擬徒道
光五年直隸程
可秀案

田正泰心萌短見勸令苑成赴工卽持刀欲行自戕
被苑成瞥見趨至田正泰身後連胎膊抱住奪刀田
正泰身向前掙苑成往後力搜致刀尖戳傷苑成左
脇斃命細核案情田正泰因被苑成搜住奪刀該犯
身往前掙已有關形且苑成由田正泰身後搜住則
苑成左脇係在田正泰身後檢查原驗傷痕深至透
膜腸出若非田正泰有心嚇織自不應如此奇重卽
實在審訊明確證據鑿然並非有心欲殺亦只應照

關殺問擬應請交司議駁

嘉慶五年說帖○遵駁案
錄後

直隸司 查過失殺傷人條內所載耳目所不及思

慮所不到或共舉重物力不能制損及同舉物者皆

准鬪殺傷罪依律收贖各等語蓋以共舉重物力不

能制因其不由自主以致損及同舉之人雖耳目所

能及實思慮所不到與初無害人之心而偶致殺人

之律註相符是以准依過失殺論至自盡之事惟恐

人知多係乘人不及知覺之時潛行短見從未有經

人勸阻轉致誤殺勸阻之人者例內止有鬪毆而誤

殺旁人之罪並無因自盡而誤殺旁人之條理所必

無故案不經見此案先據該督以田正泰持刀自戕
致傷苑成身死將田正泰依過失殺人律收贖等因
咨部經本部咨駁去後復據該督咨稱田正泰因開
肉鋪折本憂懷莫釋經苑成撞遇同至伊鋪解勸田
正泰心萌短見因苑成在前不能下手勸令苑成赴
工卽進屋執持屠刀欲行自盡苑成轉身瞥見趨至
伊背後將左右脇肋抱住勸阻時伊右手持刀頭往
下垂苑成用右手向奪伊將刀遞過左手因苑成緊
抱不放伊身往前摔不期苑成又在伊身後用力一

據因刀刃向後致刀尖斜扯苑成左脇戳傷身死該督援引共舉重物之條謂彼此均屬耳目所及尙可照過失殺收贖田正泰雖執刀在手而扯戳由於苑成從後用力一撲非該犯耳目所及卽非該犯思慮所到等語查田正泰如果有欲死之心儘可俟苑成走後再圖自盡如云刻不欲生迨苑成被戳後斯時毫無勸阻之人何又轉行中止是該犯意圖自盡之供已難憑信至苑成在該犯背後連胎膊抱住如經釋手忽又猛然用力從後一撲尙可信爲田正泰耳

目思慮所不到今既稱苑成緊抱不放是始終並未
釋手何又忽稱苑成從後力撲致該犯不及隄防卽
指爲耳目思慮所不到之處是所稱苑成從後力撲
一節尤涉扭合且手與身隨該犯既稱身往前掙其
時手必隨身向前則手中之刀卽不能轉向後戮乃
該犯於右手持刀之時既慮刀被奪去將刀頭下垂
而於左手接刀之後豈不顧身後有人又將刀尖後
向總之刀本可以殺人之具又係輕而易舉之物刀
在一人之手悉皆可以自主迥非兩人共舉重物力

難自制者可比況原驗傷痕深至透膜腸出當晚殞
命即使並非有心致斃而傷痕深重死未越日其爲
因苑成抱住奪刀該犯掙扎不脫因而嚇扎鬪情顯
然在兇犯卽不無一綫可原而在死者亦豈忍使之
沉寃莫雪今該督仍聽該犯心慌誤証並無鬪情之
供復稱例內僅有鬪毆而誤殺旁人之條並無因自
戕而誤殺勸阻之例將田正泰一犯可否仍照過失
殺定擬抑或另有治罪之處咨請核示犯供既多狡
屈引斷卽涉游移應令該督研鞫確情另行妥擬等

因去後旋據獲而其應查田正泰因持刀自戕被苑
成抱勸奪刀該犯圓腕前掙詎苑成往後力掙時刀
尖向後以致誤戳苑成斃命前因戳傷並非起於鬪
毆由於苑成解勸力掙所致是以照過失殺定擬惟
是刀本殺人之具該犯冒昧將刀尖向後不顧身後
有人以致誤戳苑成左脇殞命雖無鬪毆之情實有
掙扎之迹實與耳目思慮之律註未符遍查律例並
無因自戕而誤殺旁勸之條自應比照鬪殺擬絞等
因應如所題田正泰合依鬪毆殺人律擬絞監候查

爲人用藥打胎
致人墮胎身死

該犯究由自戕誤中與實在鬪殺者有間秋審應入

緩決之案既據查明親老丁單核與隨本聲請留養

之例相符應准其折枷留養

嘉慶六年題准案○照
駁案新編錄

川督 咨馬馬氏因冷嚴氏與呂萬康通姦懷孕倩

伊用藥打胎以致墮胎身死將馬馬氏比照受雇爲

人傷殘因而致死滅嗣殺罪一等律杖一百流三千

里收贖

嘉慶二十一年案

蘇撫 咨趙李氏因馮徐氏與人通姦跪令買藥打

胎致馮徐氏服藥身死將趙李氏比照受雇爲人

殘因而致死故誦殺罪一等律杖一百流三千里
欽
噴
嘉慶二十二年案

詐教誘人犯法

教令種傷圖賴
致人毆斃人命

各處賣藥為由
誘賭惑人射利

陝撫 趙趙仁隴毆傷譚耀庭身死案內之孫策仕
愚弄趙仁隴種傷圖賴雖訊無主使毆打情事惟教
誘種傷圖賴致趙仁隴毆斃人命實屬陰謀狡詐若
照教誘人故自傷殘律止擬杖將孫策仕比照同謀
共毆致死非其所欲謀毆之人將起意糾毆之犯照
原謀減一等例擬杖一百徒三年 嘉慶二十一年案

川督 奏譚仁壽邀約賭博屢改本名往來各省以
賣藥為由惑人射利情殊狡黠未便輕縱將譚仁壽

開案隨覽

長隨累及本官
案載家人求索

比照遊手好閒不務本業之流輪又舞棍遍遊街市
射利惑民例杖一百流三千里
嘉慶二十三年案

刑案隨覽卷五十一終